



UPA 2019/46
04 April 2019
Bentiaraq Ottosen

**Ujaqqanik pinneraasiassanik nunatsinneersuunerannik uppernarsaammik
allagartalersuinermik pilersitsillutik atuutsitsilernissaannik Naalakkersuisut
peqquneqarnissaannik inatsisartut aaliangiiffigisassaattut siunnersuut.**

(Inatsisartuni ilaasortaq, Peter Olsen, Inuit Ataqtigiit)

Ujaqqanik pinneraasiassanik nunatsinneersuunerannik uppernarsaammik allagartalersuisoqalissatillugu assigiinnarpaa ujaqqat pinneraasiarineqartut pillugit ujaqqat nunatsinneersut tamarmik uppernarsaammik allagartalersorneqarnerat. Taamaattumik December 2018-imi isumasioqatigiinneq tunngavissaqartutut isigaarput, uani siunersuumi akuersineq kingumut alloriarnermik kinguneqartitsissammat.

Atassummiit isumaqarpugut innuttaasut tusaallugit ujaqqanik pinneraasiassanik ineriartortitsinermit attuumassuteqartut tamaasa peqataatinneqartut, tassa imatut paasillugu susassaqtut, Kommune-t, inuillu ataasiakkaat silisinermit suliaqartut akornanni avataaniit pisisartoqarnissaq tamakkiisumik piumasarigaat.

Inuussutissarsiut nunatsinni tunisassiarineqarnissaa inuussutaasinnaangilaq tamannalu alloriaqqittoqassappat, avammut nittarsaasineq annerusoq inuiaqatigiinnilu aqutissiussineq piumasarineqartariaqarpoq. Taamaattumik ujaqqanik pinneraasiassanik suliaqarnermi avaqqunneqarsinnaangitsumik avataaniit pisisartut uppernarsaammik allagartalersorneqarnissaat naleqqunnerusoq isumaqarpugut.

Atassummiit suleqataajuarsimavugut nunatsinni ineriartortitsinissaq anguniarlugu, ilisimasagut aallaavigalugit inuit pikkoriffii atorluarneratigut aqutissiuiuarsimalluta, soorlu nunatta avataani najugaqartut aamma tikilluaqqusarigut. Taamaattumik aningaasaleerusussuseqarneq annertoq tungitsinnit aqutissaajuartoq isumaqarpugut, soorlu taamanikkut Qeqertarsuatsiaat eqqaani Rubin-isiorfik aallartisarneqaleramat aamma peqataasimasugut.

Naalakkersuisut saqqummiussaanut uagut isumaqataavugut.

Taamatut oqaaseqarluta siunnersuut itigartitsissutigaarput.